

## L' DJOÛ DÈS MWÂRTS

Nos volà audjourdu li deus d' novimbe, li djoû k' vèci on lome li Djoû dès mwârts. Kand dj' a do tins d' libe, dj' èl passe à m' ratoûmer à Sint-Pont, au pus près do cimintêre do vilâdje k' ène pitite muchîye uch si douve è l' meûr di m' corti.

Vêlà s' ripwaze, au ddins dèl tère k' èle vèyéve si voltîye, l' bacha di m' moman, tot à costé d' on Bén pus ptit, k' èle a l' êr d' awè assatchî avou lêye, insi k' li lét ki s' disloke fait tchêre li bêrce k' è-st-adlé li...

Au long di l' coûte èt frumjante djoûrnêye d' arîre-sèzon, dji saye ki rén dès vikants ni vègne disrindjî l' moyate divize di m' n' âme avou l' cine dès èralés. Dji m' va piède à plêji dins lès sombès pîsintes do bwès k' a co asséz d' djanissantès fouyes po tamjî lès pâles rèyons do solia tot ènn' è lèyant ploûre asséz d' mwates padzos nos pîds èt fé comprinde ki tot a fini, ki tot s' èrva, ki tot va moru...

Dji va, dji rivén, dji trinne mès pîds dins l' frêche ièbe, tot djustice po ripasser dins lès pas di tos lès cias ki dj' a vèyu voltîye èt k' dins l' tins on roté divant mi, ddrî mi, à costé d' mi dissus cès minmès voyes. Mès pîds si djokenut tot seûs èt shèner m' volu clawer tofêr à l' daegne au dizos dès gros mêrseûs aubes d' l' orêye do bwès, èvou d' astchèyance odobin d' acostumance vinîne si rachoner lès vîs tayons, lès momans, lès djonnes, lès pârins, lès marènes, lès cozènes èt lès copwineûs dèl famille. I m' shène co ôre leûs èbuwêyes, grâves o èfantinès vwès au ddins do soûrd o tchantant chichotlâdje do vijin soûrdant.

Waï ! Po todi i s' ont rastampé dès stokias k' is s' î achîdîne lès bèlès matinêyes di sètîmbe : mins is ont lèyî à place tant d' sovnancesses k' afîye dj' a dins l' idêye k' is n' sont èri ki d' pau d' ascauchîyes èt, k' po lès ridjonde, dji m' a brouyî d' âbe odobin d' clêrîre èt ki dji m' va lès voye èt lès ètinde au toûnant dèl pîsinte. (A l' après d' Lamartène)

## Novèles do cwèrneû

L' brète k' on vos ènn' a djôzé a vinu à cauze d' on lîve à fé parète da Djan-Pîre Dumont. Parètrève k' c' èst pace k' i gn' a au ddins dès passâdjès k' is n' sèrîne nén à mète au-dzos



di tos lès ouy. **I gn' arève ène mwin k' i s' va piède dins l' tchaleû d' one inne** èt, k' po l' « amèdeûse » à place (ki n' èst nin capâbe di lire li walon èt ki s' rapwate à dès « zondikis »); i faurève rôyi foû dès pâdjès !

Dîre k' nos volà au XXIème sièke èt, k' a voye ça, à Hû, on n' wazèrève nén co î publiyî Diderot, Montherlant, H.D. Lawrence, Vladimir Nabokov, Marcel Aymé, Hervé Bazin, Camille Lemonnier, San Antonio, l' Kamasotra o minme Madeleine Bourdouxhe (ki vént di l' èsse pa l' gazète « Libe »), nén d' pus ki nos RABULÈTS k' ont (faurève-t-i vos l' muchî ? ☺) dèdjà mètu pa padzo vos ouy d' èfants d' Marèye, dès translataedjes dès mèyeuses pâdjès, bounes à fé glèter d' rimembrance dès pèkêyes d' pus d' cin-z-ans, di cès « vilinnès èt mannètès » djins là ! Èt on n' vos va rén dîre di ck' on pout voye tos lès djoûs à l' tévé.

DHL bat dès éles, nos pèle  
èt nos fé endèver ostant k' li BHV !  
Opèl, Rènault, VW  
èt co ds ôtes nos vont èto ègluwer !  
Buxh o Kèry,  
ki vont-is chwèzi ?  
Lès vlà à cwèri,  
Po ki nos va mia *bizi*.

I n' vos faut nén vos èwarer, on comèle èt maxhe todi lès moudêyes di sicrijhaedje